

## Al è saltât fûr il bant par cjatâ i certificadôrs dal furlan

Lis candidaturis si podaran presentâ dentri dai 9 di Jugn dal 2022.  
Il cors formatîf al sarà organizât de Universitât dal Friûl.

E va indevant la ativitât de ARLeF-Agjenzie Regjonâl pe Lenghe Furlane a pro de certificazion linguistiche pal furlan. La Agjenzie e à publicât un bant, dome par titui, pe partecipazion al cors-concors che al permet di cjatâ fûr i **certificadôrs des comissions di esam** par assegnâ i nivei di cognossince de lenghe furlane, in atuazion dal Cuadri comun european su lis lenghis.

Il bant al è destinât a cui che al à plui di 18 agns e une cognossince otime de lenghe furlane fevelade e scrite (grafie uficiâl, articul 13 de L.R. 15/96). Lis **candidaturis** si podaran presentâ **dentri dai 9 di Jugn dal 2022**, dome cun spedizion ae direzion PEC [arlef@certgov.fvg.it](mailto:arlef@certgov.fvg.it)

La Comission esaminadore e selezionarà i candidâts valutant il lôr curriculum vitae e e formarà une graduatorie di merit, daûr dai ponts assegnâts. A saran ametûts i prins vincj candidâts in graduatorie, che a podaran partecipâ al cors e, dopo di un esam specific, otignî la certificazion di competence de lenghe furlane corispondente al nivel C2. Il cors formatîf (in modalitât 'blended') al sarà organizât de Universitât dal Friûl, in maniere indicative di Jugn a Otubar, e al durarà 50 oris (cun polse pes feris estivis) intes zornadis e fassis orariis che a saran concuardadis cul docent.

I partecipants al cors che a varan otignût la certificazion di competence de lenghe furlane di nivel C2 a saran sielzûts de ARLeF pe costituzion des comissions di esam pe certificazion.

Il bant complet al è disponibil sul sît [www.arlef.it](http://www.arlef.it)

Par informazions su la selezion, i concorints a puedin indreçâsi a chescj recapits:  
tel.: 0432.555812 – pueste eletroniche: [arlef@regione.fvg.it](mailto:arlef@regione.fvg.it)

Udin, ai 30 di Mai dal 2022

### INFORMAZIONS PE STAMPE - INFORMAZIONI PER LA STAMPA

**Ufficio Stampa ARLeF** CALT relazioni pubbliche / e-mail: [arlef@caltpr.it](mailto:arlef@caltpr.it)

Eleonora Cuberli - mob. + 39 340 3546890 / Adriana Cruciatti - mob. +39 335 6853775

<<<<<<<<<<<<<<